

中華民國二十年

中國歷代名將事略

北平武學書館印行

中國歷代名將事略目錄

教將

任賢

簡練

器械

糧餉

忠義

嚴明

恩信

堅忍

謀勇

深秘

果速

和協

詭譎

廉讓

謙虛

鎮靜

勤勞

賞罰

持重

遠略

部分

天象

地形

測繪

用衆

用寡

正兵

奇兵

步兵

砲兵

騎兵

進兵

退兵

主兵

客兵

疑兵

遊兵

山戰

野戰

隘戰

夜戰

歷代名將事略

目錄

暑戰

雨戰

風戰

迭戰

死戰

守險

砲台均
附險類

築險

奪險

度險

薄險

料敵

誤敵

怒敵

驕敵

餌敵

懈散

待敵

追敵

逆擊

夾擊

掩擊

邀擊

突擊

首尾擊

先擊

虛實

設伏

防伏

救援

潛襲

嚴備

乘勝

逐利

間道

偵探

鄉導

內應

應變

撫馭附定亂

出困

能將萬人可敵萬能將我中華之大元

帥可無
敵於天
下矣

學校廢
經即天
下大亂

推十合
一爲上
即共
能共
能而
後可以
治軍

歷代名將事略

二

曰孤豈欲卿治經爲博士耶。但當涉獵見往事耳。蒙乃就學。及魯肅過潯陽與蒙議論。大驚曰卿今者才略。非復吳下阿蒙。蒙曰。士別三日。便當刮目相待。大兄何見事之晚乎。肅與蒙結交而別。宋尹洙與狄青談兵。善之。薦於韓琦范仲淹曰。此良將才也。二人待之甚厚。仲淹授以左氏春秋。且曰將不知古今。匹夫勇耳。由是折節讀書。悉通秦漢以來將帥兵法。

任賢

一士可退千里之敵。一將強於十萬之師。天生賢才。自足供一代之用。然知之難矣。六韜曰。士有外賢而內奸者。有外謹而內慢者。有外勇而內怯者。有外若無能而內有實用者。綜而計之。內外之不同。蓋十有五。是必問之以言。以觀其詳。窮之以辭。以觀其變。告之以難。以觀其勇。處之以困。以觀其度。果其賢矣。則毅然以任。不以讒

歐戰始
有婦女
從吾國
已先有
之矣

兩司會
効爲文
正之益
及不如此
是則爲
風法紀
於軍

謗生其疑。不以監制擊其肘。所謂賢者。未有不激昂鼓舞。樂爲致死者也。

春秋孫武千獻兵法十三篇於吳王。王每誦一篇。未嘗不程善。命與伍胥共理國政。內練女兵。外銷隱患。然後授以兵柄五戰八郢。北制齊晉。稱霸中原。蜀漢諸葛亮用人各當其才。每一行軍。必無大挫。而過信馬謖。以爲參軍。每引見談論。自晝達夜。及街亭之敗。乃收謖泣而斬之。

唐李抱眞聞有賢者。必欲與之遊。雖具小善。必卑辭厚遺千里邀致之。至無可錄。徐徐以禮謝遣。

前靖駱文忠秉章撫湘。求人才。作士氣。曾文正國藩時以侍郎治團練。文忠與之同心戮力。靖港之敗。布按兩司。會詳文忠。請劾文正。先罷遣其軍。文忠不可。未幾文正部將果破賊於湘潭。靖港亦

復。省城竟無恙。時左文襄公宗棠方爲舉人。文襄欲羅致之。而不肯出。乃假捐輸事。拘陶文毅公樹之子入署。文襄遽出爭辯。文忠笑曰。正欲公出耳。陶公子豈敢加以非禮。於是文襄出佐戎。知無不言。言無不行。湘之富強自此始。後文正文襄亦知人善任。薦拔人才。至不可以數計。

前清胡文忠林翼撫鄂。一見羅忠節澤南。執弟子禮甚恭。忠節殞。以李忠武續賓。李勇毅續宜。代領其衆。遇二李如昆季。迎養其父母於節署。定省如己親。羅與二李皆客將。其時統水師者楊勇慤載福彭剛直玉麐。亦客將。二人議事不合而忿爭。文忠親拜兩人調和之。其非客將。如多隆阿鮑超二人。亦不相下。文忠因激勵兩用之。各予卒萬人。當一面二人爭以戰功相掩。勛業爲天下先。

自成
而後
可徵
兵

簡者何。簡士卒也。或以武藝。或以強力。或以貌偉。或以膽優。須用鄉野丁壯。無取市井游猾。蓋野人力作而性樸。力作則習勞。性樸則畏法。易以誠信感。易以恩愛聯。游猾則不習勤勞。不畏法度。巧爲規避。潛爲引誘。置之軍中。恐以多事。故不可用。練者何。練士卒也。練其步伐。使之整齊。練其技藝。使之精熟。練其耳目。使之不警。練其心志。使之不亂。練其膽氣。使之外不畏敵。內不愛身。時時按閱。評其高下劣者罰之。不惟罰其身。並罰及其教習。優者賞之。不惟賞其身。並賞及其教習。如此簡練二三年。定爲勁卒。

春秋管仲相齊。作軌里連鄉之法。五鄉一帥合得萬人。使其人與人相儔。家與家相儔。少同游。居同樂。行同和。死同哀。守同固。戰同強。人有餘力以致其死。齊國大治。

春秋越王勾踐旣敗於夫椒。使人行成於吳。而返其同。苦身焦思。

精騎三
千可當
百萬

善事利
器惟子
貢氏之
儒能用
之

歷代名將事略

臥薪嘗膽講求生聚教訓之術。行之二十年。其民皆可用。遂伐吳而滅之。

唐秦王世民選精銳千騎。皆皂衣元巾。分爲左右。使秦叔寶程知節等將之。每戰自披元巾。率之以爲前鋒。所向克捷。

器械

兵法曰器械不利。以卒予敵。今之器械。與古異宜。來之有自。用之有節。然不用何熟。不練何精。無事之時。譬如有事。先習用法。再習繫法。跪擊伏擊。必當其宜。漲力阻力。必知其度。機件運用。必得其要。遠近推算。必明其理。晝戰夜戰。緩急必分。測風逆風。輕重必判。槍砲皆如是。西人善用之。我中國習此。亦有能盡其用者矣。前清用洋槍砲。自淮軍始。李文忠鴻章初至滬。見各國兵強。由於器利。即令諸將練習。程學啟用之尤精。所部謂之洋槍隊。常與英

嗚呼內
亂不己
講洋槍
以互相
殘殺可
悲矣

此之謂
好整以
暇

人戈登相偕克復蘇州嘉興等郡州縣。戈登極推服。與文忠書謂程某
自足辦賊。不假人助云。

前清吳煦以美人華爾爲將。華爾守松江。練洋槍勇五百人。衣服器
械步伐皆美也。同治元年正月。賊犯松江。華爾率五百人禦之。賊
圍之數十重。華爾乃分其衆爲數圓陣。分五重。人四響。最內者平
立。其外遞俯至最外者幾踞地矣。皆以槍外指。望之如餽首刺針然
。居中吹角爲號。一動無不動。數十槍齊發。賊披靡遁走。

前清李文忠以英人戈登領常勝軍二千人。有戰皆捷。同治二年三月
。進攻太倉段南門賊卡。列大砲程學啟營前。擊賊二石壘。各軍乘
之。遂克太倉。而崑山新陽隨以俱下。

前清岑襄勤毓英督雲貴。光緒九年法越構釁。襄勤奉命出關。十
年七月。與法決戰。法人善用開花砲。襄勤創地營法禦之。嘗手書

易有地
雷復之
象焉

足食重
於足兵
不先謀
餉而招
兵何以
集羣
嗚呼
盜劫奪

歷代名將事略

八

與部將丁槐何秀林等。講求精到。卒以此大創法人。又用地雷轟破宣光城垣數十丈擒馘敵人無算。

糧餉

兵法曰兵無糧食則亡。是故久守則須屯田。進擊則謹糧道。深入則必因糧於敵。屯田之法。以萬人論。分三爲守。分一爲屯。給種給牛。人數十畝。計除衆費。一人之獲。可食數人。如敵稍緩。分半爲守。分半爲屯所獲益奢。則一年耕而有三年之食。且臨敵之境。設險開塹。置堡立城。遏敵之衝以蔽耕者。仍令耕者。不得離百里。萬一有警。朝呼夕至。伺敵觀變。且耕且守。此屯田之利也。糧餉之道。係吾咽喉。存亡通塞。俱在於此。敵若善兵。或以游兵往來。抄掠吾食。或以偏師塞險。截我後途。或以奇兵潛出。焚我積聚。是必於糧食轉運之徑。倉廩充溢之區。遠其斥堠。守以精兵。敵若猝來。自應無患。

。此謹之糧道利也。深入重地。飛輓爲難。恃敵之資。爲我之餌。倉糧可取。秋穀可收。三軍足食。伺隙疾戰。此因糧於敵之利也。糧餉一道兵之元氣。足則能戰。不足則潰。安得不重乎。

漢趙充國擊先零。請罷騎兵。留步兵萬三百八十一人。分屯要害。人三十畝。以省大費。復上疏曰。臣聞帝王之兵。以全取勝。是以貴謀而賤戰。百戰百勝。非計之善者也。故先爲不可勝。以待敵之可勝。謹條陳不出兵留田十二事。晉羊祜鎮襄陽。與士卒墾田八百餘頃。其始至也。軍無百日之糧。及其季也。乃有十年之積。

唐郭子儀鎮河中。患軍中乏糧。乃自耕百畝。將校以是爲羞。於是士卒不勸而耕。野無曠土。軍有餘糧。他如蜀漢諸葛亮屯田渭上。明沐英屯田雲南。宋岳飛吳玠兼屯田大使。可知累代均有屯田之利。以上屯田。

漢韓信張耳擊趙。趙王及成安君聚兵井陘口。李左車說成安君曰。信耳乘勝遠門。鋒不可當。今井陘之道。車不得方軌。騎不得成列。其勢糧食必在後。願假奇兵三萬人。從間路取其輜重。足下深溝高壘勿與戰。不十日兩將之頭。可致麾下。成安君不用其計。後爲信耳所敗。

漢獻帝時。曹操下河東。周瑜欲往聚鐵山取操之糧。諸葛亮曰。曹公生平慣斷人糧道。豈無重兵守之。往必敗。瑜乃止。以上糧道。南宋劉裕伐南燕。過大峴。舉手指天。喜形於色。左右曰。公未見敵而先喜何也。裕曰。兵已過大峴。士有必死之志。餘糧棲敵。兵無匱乏之憂。虜已入吾掌中矣。宋王全斌伐蜀。克興州。獲軍糧四十餘萬斛。進三泉。獲軍糧三十餘萬斛。克利州。獲軍糧八十餘萬斛。軍賴以濟。遂平蜀。以上因糧於敵。

忠義

共和之
國事不
以政府
爲是河
可戰乎

自來戰地之士。逃死者幾人。而或死於亂兵。死於國法。不逃死者幾人。而或轉危爲安。轉禍爲福。必死不死。幸生不生。一定之理也。能明死生之故則忠義之氣。油然而生。將以是爲激勵。士以是爲勸導。岳武穆曰文官不愛錢。武官不惜死。天下太平矣。吳子曰。百姓是吾君而非鄰國。則戰勝。皆忠義爲之也。

春秋伍員申包胥皆楚臣。員父爲楚平王所殺。奔吳。與申包胥別曰。我必覆楚。包胥曰我必復之。及吳伐楚入郢。包胥乃如秦。乞師。秦伯使就館。包胥依庭牆而哭。日夜不絕聲。七日飲食不入口。秦乃爲之出師。

漢霍去病爲驃騎將軍。擊匈奴敗之。過焉支至祁連山而還。是時諸將所將兵。皆不如去病。故日益親貴。比大將軍。去病爲人。少言。

不泄。有氣敢任。上欲授之孫吳兵法。對曰。顧方略何如耳。不至學古兵法。上爲治第。令視之。曰。匈奴未滅。無以家爲也。上益愛重之。唐李光弼與史思明戰。以短兵置韞中。曰。戰危事。吾國之三公。不可死賊手。萬一不利。諸君死敵。我自剄。不令諸君獨死也。唐張巡禦尹子奇。每與賊戰。皆裂齒碎。羅雀捕鼠。九死一生。身死之日。猶云。生不能報國。死當爲厲鬼以殺賊。而人倫天道之言。尤分晰曉暢。前清藍理從施襄壯琅抵澎湖。攻鄭氏。正以舟戰。賊礮中理腹。理弟瑤扶之起。族子法見理腹破腸出。爲掬而納諸腹中。理四弟援傳以衣。五弟珠持匹練連腹背交裹之。理大呼殺賊。不暇顧也。旣破賊。始以醫治。醫言七日不動氣。乃可平復。未幾襄壯進戰。戒左右勿使理知。會軍小却。羣賊環焉。襄壯故善戰。然舟卒不得出。理聞左右耳語。詰得大驚。立往救。賊當之皆披靡。

藍理自
是快人
是敢戰
之士

理躍登賊舟。斬渠魁十餘人。復躍而還。襄壯執手慰勞。且曰。醫言七日勿動氣。今方三日何遽來。理笑曰。主帥有急。卽創裂以死不顧也。遂與襄壯乘勝鑿擊賊。卒納臺灣之降。

前清劉武烈騰鴻攻瑞州。郡有南北二城中界以水。武烈與賊戰。已抵其南岸。明日再戰。中槍子五。臥不能起。坐肩輿督戰。破卡三。奪砲臺一。遂攻北砲臺。城且破。忽巨砲中脅仆。弟騰鶴扶之。強視語曰。城不下無歟我。軍中皆泣。冒砲登城。斬殺強寇大半。除道開門。迎尸入治喪。聞見者莫不悲壯其志。

嚴明

凡治軍者器械取其精銳。旗幟取其鮮明。冠服取其整齊。士馬取其魁壯。隊與隊相比。伍與伍相耦。人與人相儔。矩步之間。不失尺寸。動則以此爲序。居則以此爲營。戰則以此爲陣。行軍之時。無暴神祇。

東三省
鬚匪回
山東者
不犯孔
林知盜
亦有道

歷代名將事略

一四

。無役人民。無毀墳墓。無燔牆屋。無焚林木。無取秋毫。而又號令嚴肅。明如日月。威如雷霆。方其欲發。必躊躇滿志。可以必人之能從。可以諒事之必濟。而後一發而不可易。有不服者。軍有常刑。若夫庸將。既無軍容。又無軍律。或有令而不行。或朝令而夕改。或違令而不誅。皆取敗之道也。

漢匈奴入寇。以周亞夫爲將軍。次細柳。上自勞軍。至霸上棘門軍直馳入。已而之細柳。先馳曰。天子且至軍門。都尉曰。軍中但聞將軍令。不聞天子詔。無何上至。又不得入。上使使持節。詔將軍。吾欲勞軍。亞夫乃傳言開壁門。壁門士謂車騎曰。將軍約軍中不得馳驅。於是天子乃按轡徐行。至營。亞夫以軍禮見。上曰此真將軍也。霸上棘門軍。若兒戲爾。

吳呂蒙入荊州。盡得將士家屬。皆撫慰之。約令軍中不得於民人家